

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

## **RJEŠENJE**

po Prijavi namjere koncentracije privrednih subjekata PVC (Lux) company Holding S.á.r.l. i HT  
Luxemburg S.á.r.l

Sarajevo  
Decembar 2007. godine



Broj: 01-04-26-026-6-II / 07  
Sarajevo, 14.12.2007. godine

Na osnovu člana 25. stav (1) tačka e) člana 42. stav (1) tačka d) člana 43. stav (2), a u vezi sa čl. 12., 14., 16. i 18. Zakona o konkurenciji ("Službeni glasnik BiH", br. 48/05 i 76/07), rješavajući po Prijavi namjere koncentracije privrednih subjekata PVC (Lux) company Holding S.á.r.l. Parc d Activites Syrdall 6c, 5365 Munsbach Luxemburg i HT Luxemburg S.á.r.l 30, Boulevard Royal L.2449 Luxemburg, zaprimljene pod brojem 01-04-26-026-II/07 dana 24.08.2007. godine, Konkurencijsko vijeće na sjednici održanoj dana 14.12.2007. godine donijelo je sljedeće

### **R J E Š E N J E**

1. Ocjenjuje se dopuštenom koncentracija koja će nastati na tržištu prodaje PVC (polivinilskih) kapaka i okvira u Bosni i Hercegovini sticanjem kontrole kupovinom većine udjela u osnovnom kapitalu, kojim će privredni subjekt PVC (Lux) Company Holding S.á.r.l. Parc d Activites Syrdall 6c, 5365 Munsbach Luxemburg, postati 100% vlasnik privrednog subjekta HT Luxemburg S.á.r.l 30, Boulevard Royal L.2449 Luxemburg.
2. Ovo Rješenje je konačno i upisuje se u Registar koncentracija.
3. Ovo Rješenje bit će objavljeno u "Službenom glasniku BiH", službenim glasilima entiteta i Brčko Distrikta Bosne i Hercegovine.

### **O b r a z l o ž e n j e**

Privredni subjekt PVC (Lux) Company Holding S.á.r.l. Parc d Activites Syrdall 6c, 5365 Munsbach, Luxemburg (u daljem tekstu: LuxCo ili podnosilac Prijave), putem ovlaštenog punomoćnika advokata Marić Branka, Mehmeda Spahe 24, Sarajevo, je podnio Konkurencijskom vijeću Bosne i Hercegovine Prijavu namjere koncentracije (u daljem tekstu: Prijava), kojom podnosilac Prijave želi kupovinom većine udjela u osnovnom kapitalu steći 100% vlasništvo nad privrednim subjektom HT Luxemburg S.á.r.l 30, Boulevard Royal L.2449 Luxemburg, (u daljem tekstu: HT Luxemburg).

Prijava namjere koncentracije podnesena je Konkurencijskom vijeću dana 24.08.2007. godine pod brojem 01-04-26-026-II/07 što je u roku od 8 (osam) dana utvrđenim članom 16.stav (1) Zakona o konkurenciji (u daljem tekstu: Zakon).

Uvidom u dostavljenu Prijavu Konkurencijsko vijeće je utvrdilo da ista nije kompletna u smislu člana 30. Zakona, te je u skladu sa članom 31. Zakona, zatražilo dopunu dana 26.09.2007. godine pod brojem 01-04-26-026-2-II/07.godine.

Podnosilac Prijave je u skladu sa zahtjevima Konkurencijskog vijeća dopunio Prijavu dana 04.10.2007.godine pod brojem 01-04-26-026-3-II/07.godine.

Prijemom tražene dokumentacije Konkurencijsko vijeće je utvrdilo da je Prijava kompletna i izdao je Potvrdu o prijemu kompletne i uredne Prijave, dana 19.11.2007.godine, pod brojem 01-04-26-026-4-II/07, u skladu sa članom 30. stav (3) Zakona.

Podnosilac Prijave namjere koncentracije namjerava podnijeti zahtjev za ocjenu predmetne koncentracije nadležnom organu Evropske unije.

U postupku ocjene Prijave namjere koncentracije utvrđene su sljedeće činjenice:

Analizom podataka navedenih u Prijavi, Konkurencijsko vijeće je utvrdilo da učesnici predmetne koncentracije po završnom računu u 2006. godini, kao finansijskoj godini, koja je prethodila predmetnoj koncentraciji ostvarili su slijedeći ukupni prihod :

Tabela 1.

<b>Ukupni prihod izražen u KM</b>	<b>Acapita bank</b>	<b>Lux Co</b>	<b>Profine BH</b>	<b>HTT Grupa</b>
Svjetski prihod	(..)** <sup>1</sup>	-		(..)**
Bosna i Hercegovina		-	(..)**	

Na osnovu podataka o ukupnom ostvarenom prihodu učesnika predmetne koncentracije utvrđeno je postojanje obaveze Prijave koncentracije, obzirom da su ispunjeni kriteriji ukupnog ostvarenog prihoda privrednih subjekata, učesnika predmetne koncentracije na tržištu roba i / ili usluga na svjetskom tržištu, u godini koja je prethodila predmetnoj koncentraciji, u smislu člana 14. stav 1. Zakona o konkurenciji.

### **1. Pravni osnov i oblik koncentracije**

Pravni osnov predmetne koncentracije predstavlja Ugovor o kupovini udjela (u daljem tekstu: Ugovor), zaključen dana 16.08.2007. godine, između privrednog subjekta LuxCo (kao kupca) i privrednih subjekata koji su vlasnici udjela u privrednom subjektu HT Luxemburg (kao prodavca). Predmetnim Ugovorom privredni subjekt LuxCo postaje vlasnik 100% udjela u privrednom subjektu HT Luxemburg.

Kao prodavci, vlasnici udjela u privrednom subjektu HT Luxemburg, u predmetnom Ugovoru, navode se slijedeći privredni subjekti:

- CEP II Participations S.á.r.l. SICAR, 30, Boulevard Royal, L-2449, Luxemburg, registrovano u komercijalnom registru Luxemburga pod brojem B 96017, vlasnik je 67,5 uplaćenih udjela u HT Luxemburg u nominalnoj vrijednosti od (..)\*\* KM po udjelu, što predstavlja ukupni nominalni iznos od (..)\*\* KM.

- Advent HT Troplast S. a.r.l. 76 Grand-Rue, L-1660, Luxemburg, registrovano u komercijalnom registru Luxemburga pod brojem B 105089, vlasnik je 55.003 uplaćenih udjela u HT Luxemburg u nominalnoj vrijednosti od (..)\*\* KM po udjelu, što predstavlja ukupni nominalni od (..)\*\*KM.

- HT Management GmbH&cCo. KG, Promenadeplatz 8, 8033 Minhen, registrovano u komercijalnom registru u Minhenu pod brojem HRA 86846, vlasnik je 7.914 uplaćenih udjela u HT Luxemburg u nominalnoj vrijednosti od (..)\*\* KM po udjelu, što predstavlja ukupni nominalni iznos od (..)\*\* KM.

- HT Troplast Co-Invest 1 GmbH &Co.KG, Promenadeplatz 8, 8033 Minhen registrovano u komercijalnom registru u Minhenu pod brojem HRA 87316, vlasnik je 1.316 uplaćenih udjela u HT Luxemburg u nominalnoj vrijednosti od (..)\*\* KM po udjelu, što predstavlja ukupni nominalni iznos od (..)\*\* KM.

<sup>1</sup> (..)\*\* - Podaci predstavljaju poslovnu tajnu

- HT Troplast Co-Invest 2 GmbH &Co.KG, Promenadeplatz 8, 8033 Minhen registrovano u komercijalnom registru u Minhenu pod brojem HRA 87315, vlasnik je 49 uplaćenih udjela u HT Luxemburg u nominalnoj vrijednosti od (..)\*\* KM po udjelu, što predstavlja ukupni nominalni iznos od (..)\*\* KM.

- HT Troplast Co-Invest 3 GmbH &Co.KG, Promenadeplatz 8, 8033 Minhen registrovano u komercijalnom registru u Minhenu pod brojem HRA 87319, vlasnik je 493 uplaćenih udjela u HT Luxemburg u nominalnoj vrijednosti od (..)\*\* KM po udjelu, što predstavlja ukupni nominalni iznos od (..)\*\* KM.

- HT Troplast Co-Invest 4 GmbH &Co.KG, Promenadeplatz 8, 8033 Minhen registrovano u komercijalnom registru u Minhenu pod brojem HRA 88633, vlasnik je 998 uplaćenih udjela u HT Luxemburg u nominalnoj vrijednosti od (..)\*\* KM po udjelu, što predstavlja ukupni nominalni iznos od (..)\*\* KM.

- HT Management II GmbH&cCo. KG, Promenadeplatz 8, 8033 Minhen, registrovano u komercijalnom registru u Minhenu pod brojem HRA 86936, vlasnik je 669 uplaćenih udjela u HT Luxemburg u nominalnoj vrijednosti od (..)\*\* KM po udjelu, što predstavlja ukupni nominalni iznos od (..)\*\* KM.

Navedeni udjeli predstavljaju ukupan kapital privrednog subjekta HT Luxemburg u nominalnoj vrijednosti od (..)\*\* KM.

Pravni oblik predmetne koncentracije je sticanje kontrole ili dominantnog uticaja jednog, privrednog subjekata nad drugim privrednim subjektom i to sticanjem kupovinom većine dionica ili udjela osnovnog kapitala, u skladu sa članom 12. stav (1) tačke b) pod 1) Zakona.

## **2. Učesnici koncentracije**

Učesnici predmetne koncentracije su privredni subjekt PVC (Lux) Company Holding S.á.r.l. Parc d Activites Syrdall 6c, 5365 Munsbach Luxemburg i privredni subjekt HT Luxemburg S. á.r.l 30, Boulevard Royal L.2449 Luxemburg.

### **2.1. Privredni subjekt PVC (Lux) company Holding S. á.r.l. Parc d Activites Syrdall 6c, 5365 Munsbach Luxemburg**

Privredni subjekt PVC (Lux) Company Holding S.á.r.l. Parc d Activites Syrdall 6c, 5365 Munsbach, Veliko Vojvodstvo, Luxemburg je društvo sa ograničenom odgovornošću i u procesu je registracije kod privrednog registra kompanija Luxemburga od 10.08.2007.godine. Privredni subjekt LuxCo je novoosnovani privredni subjekt za preuzimanje drugih privrednih društava i nalazi se pod kontrolom Acapita bank B.S.C.(u daljem tekstu : Acapita bank).

Privredni subjekt Acapita bank je investiciona banka sa sjedištem u Kraljevini Bahrein, registrovana 02.11.1996.godine pod brojem 36403, poslovni prostor 801, put 285, Manama Centar i djeluje u okviru četiri poslovne linije: korporativne investicije, nekretnine preduzetnički kapital i investiranje aktive. Preko mreže svojih poslovnica u Bahreinu, Londonu, Atlanti i Singapuru, bira za ciljeve ekonomski privlačne sektore, posjeduje dalekosežne mreže izvora i aktivno upravlja investicijama vezanim za privredna društva, nekretnine, aktivu i preduzetnički kapital.

Privredni subjekti Acapita bank i LuxCo nemaju subsidijarna društva na teritoriji Bosne i Hercegovine.

## 2.2. Privredni subjekt HT Luxemburg S. á.r.l 30, Boulevard Royal L.2449 Luxemburg.

Privredni subjekt HT Luxemburg S.á.r.l 30, Boulevard Royal L. 2449 Luxemburg je društvo sa ograničenom odgovornošću, registrovano u Registru trgovine i trgovačkih društava Luxemburga, pod registarskim brojem B 105045, dana 29.12.2004. godine.

Privredni subjekt HT Luxemburg je matično društvo grupe HT Troplast ( u daljem tekstu: HTT Grupa ), koja se sastoji od matičnog društva (HT Luxemburg), njegovih subsidijarnih društava i to: HT Beteiligungs GmbH&Co KG i HT Troplast GmbH, te njihovih subsidijarnih društava, koja su u potpunosti konsolidovana na nivou HT Troplast GmbH.

Privredni subjekt HT Luxemburg drži u vlasništvu sve udjele u privrednom subjektu HT Troplast GmbH, od čega 94,9% direktno i 5,1% preko privrednog subjekta HT Beteiligungs GmbH&Co KG, koji kontroliše sva subsidijarna društva profine grupe i u okviru kojeg se vrše glavne poslovne aktivnosti HTT Grupe.

HTT Grupa se prvenstveno bavi razvojem, proizvodnjom i prodajom polivinilskih okvira za prozore i vrata, polivinilskih ploča koje se najviše koriste u grafičkom sektoru (znakovi i displeji), mašinstvu i građevinarstvu, te prozorskih kapaka.

HTT Grupa trenutno djeluje preko devet proizvodnih pogona u svijetu, od kojih su tri locirana u Njemačkoj, te po jedan u Italiji, Španiji, Francuskoj i Rusiji. Izvan Evrope posjeduje pogone u SAD-u (isključivo za proizvodnju polivinilskih ploča) i u Kini. Najveći dio proizvodnje HTT Grupe vrši se u Njemačkoj, dok se prodaja u najznačajnijoj mjeri vrši u zapadnoj i istočnoj Evropi.

HTT Grupa djeluje na tržištu Bosne i Hercegovine preko svog subsidijarnog društva Profine BH d.o.o., sa registrovanim sjedištem u Živinicama, Maline bb-Industrijska zona Bosna i Hercegovina. Profine BH d.o.o. je upisan u registar Kantonalnog suda u Tuzli dana 05.01.1998. godine pod brojem U/I2941/97.

## 4. Analiza relevantnog tržišta

Članom 3. Zakona i čl. 4.,5. i 6. Odluke o utvrđivanju relevantnog tržišta ("Službeni glasnik BiH", broj 18/06) određeno je relevantno tržište određenih proizvoda ili usluga koje su predmet djelovanja privrednih subjekata na relevantnom geografskom tržištu.

Konkurencijsko vijeće je utvrdilo, da je relevantno tržište proizvoda, učesnika predmetne koncentracije, prodaja PVC (polivinilskih) kapaka i okvira.

Relevantno geografsko tržište za ovu koncentraciju je Bosna i Hercegovina, jer se prodaja PVC (polivinilskih) kapaka i okvira obavlja na cijeloj teritoriji Bosne i Hercegovine.

Slijedom navedenog, Konkurencijsko vijeće je kao relevantno tržište za predmetnu koncentraciju utvrdilo tržište prodaje PVC(polivinilskih) kapaka i okvira na cijeloj teritoriji Bosne i Hercegovine.

Popis i procjena tržišnih udjela HTT Grupe, na relevantnom tržištu, navedeni su Tabeli 2. :

Tabela 2.

Proizvodi	Tržište u tonama	Godišnji promet u KM	Tržišni udio po obimu i vrijednosti
ploče	0	0	0%
kapci	700 tona	3.911.660,00	30% po obimu/30% vrijednosti
PVC (okviri)	7000 tona	39.116.600,00	33% po obimu/33% vrijednosti
Ukupno	7,700 tona	43.028.260,00	

Obzirom da je privredni subjekt LuxCo novoosnovani privredni subjekt za preuzimanje drugih privrednih društava i pod kontrolom je Acapita bank, koja nema tržišnih udjela na tržištu Bosne i Hercegovine, shodno tome, i privredni subjekt LuxCo nema tržišnih udjela na relevantnom tržištu Bosne i Hercegovine.

Popis i procjena tržišnih udjela glavnih tržišnih konkurenata učesnika predmetne koncentracije na relevantnom tržištu prodaje PVC (polivinilskih) okvira su :

Tabela 3.

Konkurenti	(Tržišni udio u %)	Godišnji promet (u KM)
Rehau (Njemačka)	10	(..)**
Deceuninck (V.Britanija)	5	(..)**
Aluplast (V.Britanija)	17	(..)**
Salamander/Bruegmann (Poljska)	10	(..)**
Gealan (Njemačka)	10	(..)**
<b>Profine grupa</b>	<b>33</b>	(..)**
Ostali	15	(..)**
Ukupno PVC okviri	100%	(..)**

Popis i procjena tržišnih udejela glavnih tržišnih konkurenata učesnika predmetne koncentracije na relevantnom tržištu prodaje PVC (polivinilskih) kapaka su :

Tabela 4.

Konkurenti	(Tržišni udio u %)	Godišnji promet (u KM)
<b>Profine Grupa</b>	<b>30</b>	(..)**
Ostali(SKS, Alhacan(Njemačka) ,Exte(Njemačka), Thyssen (V.Britanija)	70	(..)**
Ukupno PVC kapaci:	100%	(..)**

## 5. Procjena predmetne koncentracije

Na osnovu provedene analize relevantnog tržišta Konkurencijsko vijeće je ocijenilo da HTT Grupa, koja na tržištu Bosne i Hercegovine djeluje preko svog subsidijarnog društva Profine BH d.o.o., Živinice, ostvaruje tržišni udio od 33% na relevantnom tržištu prodaje PVC (polivinilskih) okvira i 30% tržišnog udjela na relevantnom tržištu prodaje PVC (polivinilskih) kapaka.

Nakon provedene koncentracije neće doći do promjene tržišnih udjela, učesnika predmetne koncentracije na relevantnom tržištu prodaje PVC (polivinilskih) kapaka i okvira u Bosni i Hercegovini, i ista su znatno ispod tržišnog udjela od 40%, kojim se pretpostavlja da privredni subjekt može imati dominantan položaj, u smislu člana 9. Zakona.

Pri donošenju ovog Rješenja Konkurencijsko vijeće je posebno imalo u vidu da predmetna koncentracija neće dovesti do povećanja tržišnih udjela, učesnika predmetne koncentracije, odnosno neće dovesti do stvaranja niti jačanja dominantnog položaja učesnika predmetne koncentracije, jer privredni subjekt LuxCo ne djeluje, odnosno nema tržišnih udjela na tržištu Bosne i Hercegovine, te u ovom slučaju dolazi samo do promjene kontrole nad postojećim učesnikom koncentracije.

Cijeneći sve iznesene činjenice i podatke, Konkurencijsko vijeće je utvrdilo da predmetna koncentracija ne sprečava, ograničava niti narušava tržišnu konkurenciju u oblasti prodaje PVC (polivinilskih) kapaka i okvira u Bosni i Hercegovini, te je odlučilo kao u dispozitivu ovog Rješenja.

## **6. Administrativna taksa**

Na ovo Rješenje podnosilac Prijave u skladu sa Odlukom o administrativnim taksama u vezi sa procesnim radnjama pred Konkurencijskim vijećem ("Službeni glasnik BiH", broj 30/06) i u skladu sa članom 2. Tarifni broj 107 stav (1) tačka d) pod 1) obavezan je platiti administrativnu taksu u iznosu od 2.500,00 KM u korist Budžeta institucija Bosne i Hercegovine.

## **7. Pouka o pravnom lijeku**

Protiv ovog Rješenja nije dozvoljena žalba. Nezadovoljna stranka može pokrenuti upravni spor pred Sudom Bosne i Hercegovine u roku od 30 dana od dana prijema ovog Rješenja, odnosno od dana njegovog objavljivanja.

**Predsjednik**

**Sanja Božić**